

054

Bosna i Hercegovina
FEDERACIJA BOSNE I HERCEGOVINE
FEDERALNO MINISTARSTVO ENERGIJE,
RUDARSTVA I INDUSTRIJE

Bosnia and Herzegovina
FEDERATION OF BOSNIA AND HERZEGOVINA
FEDERAL MINISTRY OF ENERGY,
MINING AND INDUSTRY

Босна и Херцеговина
ФЕДЕРАЦИЈА БОСНЕ И ХЕРЦЕГОВИНЕ
ФЕДЕРАЛНО МИНИСТАРСТВО ЕНЕРГИЈЕ,
РУДАРСТВА И ИНДУСТРИЈЕ

Broj: **05-02-196/19**
Mostar, 14.03.2019.godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
n/p g-din Elmedin Konaković, predsjedavajući Skupštine Kantona Sarajevo
n/p g-din, Zvonko Marić, zastupnik

VLADA FEDERACIJE BiH
n/p g-đa, Edita Kalajdžić, sekretar Vlade

Predmet: Odgovor na pitanje zastupnika u Skupštini Kantona Sarajevo
gosp. Zvonka Marića, dostavlja se

Poštovani,

U prilogu akta Vlade Federacije Bosne i Hercegovine, broj: 03-05-118/19 od 31.01.2019. godine, ovom Ministarstvu na nadležno postupanje dostavljena su zastupnička pitanja, koja je postavio gosp. Zvonko Marić, zastupnik u Skupštini Kantona Sarajevo, na Trećoj radnoj sjednici Skupštine Kantona Sarajevo održanoj 23.01.2019. godine.

Navedenim zastupničkim pitanjima traži se dostavljanje informacija vezanih za strukturu cijene gasa za krajnje postrošače.

Odgovor:

Na osnovu podataka sa kojim raspolaže ovo Ministarstvo i informacija dostavljenih od privrednog duštva „BH-GAS“ d.o.o. Sarajevo u nastavku dostavljamo slijedeći odgovor:

Uredbom o organizaciji i regulaciji sektora gasne privrede ("Službene novine Federacije BiH", br. 83/07-u daljnjem tekstu Uredba), između ostalog definisano je da, Vlada Federacije Bosne i Hercegovine na prijedlog Federalnog ministarstva trgovine, uz prethodno pribavljeno mišljenje Federalnog ministarstva energije, rudarstva i industrije, snabdjevaču gasom tarifnih kupaca koji obavljaju javnu uslugu u Federaciji Bosne i Hercegovine, regulisati cijenu za snabdijevanje gasom.

Uredbom je takođe definisano da će se regulisanje cijene prirodnog gasa za tarifne kupce zasnivati na osnovu cijene nafte i naftnih derivata na svjetskom tržištu kao polazne osnove za kalkulaciju, definisanih perioda isporuke, odnosa planiranih količina i realizovanih količina gasa, sezonske ili dnevne dinamike isporuke tarifnim

kupcima, odnosa ugovorenog i isporučenog kvaliteta gasa kao i ostalih kalkulativnih elemenata cijene isporučenog gasa.

U skladu sa Uredbom za obavljanje poslova vezanih za snabdijevanje gasom potrošača u Federaciji Bosne i Hercegovine određena su privredna društva "Energoinvest" d.d. Sarajevo i "BH-Gas" d.o.o. Sarajevo.

Vlada Federacije Bosne i Hercegovine donijela je Odluku o davanju saglasnosti na veleprodajnu cijenu prirodnog gasa ("Službene novine Federacije BiH", broj 56/17) kojom je data saglasnost na veleprodajnu cijenu prirodnog gasa za distributivna privredna društva na području Federacije Bosne i Hercegovine, počevši od 01.08.2017. godine, koja iznosi 495,00 KM/1000 Sm³, odnosno 0,495 KM/Sm³, Sm³ (t=15°C, p=1,01325 bar, važeći uslovi za Bosnu i Hercegovinu), donja toplotna vrijednost prirodnog gasa (Hd = 34.075,60 kJ/Sm³) i ista je na snazi.

Bosna i Hercegovina nema proizvodnju prirodnog gasa i sve snabdjevanje se bazira na uvozu od jednog snabdjevača – Ruske Federacije (Gazprom Export) dok transport uključuje vanjski i unutrašnji transport, kroz Mađarsku, Srbiju i transport unutar BiH. Uzimajući u obzir da se Transportni troškovi (van granica BiH) kao i troškovi nabavke prirodnog gasa plaćaju dobavljačima prema važećem kursu USD-a na dan plaćanja ino fakture, proizilazi da cijena nabavke gasa, transportni troškovi s aspekta njihove protuvrijednosti u KM ovise o trenutnom kursu USD prema KM.

U nastavku prezentujemo kalkulativne elemente BH GAS-a i njihovo učešće u strukturi cijene gasa za krajnje potrošače u Kantonu Sarajevo.

1. Nabavna cijena (ruskog) prirodnog gasa-trenutna nabavna cijena prirodnog gasa čini 79,7% krajnje cijene prirodnog gasa za potrošače.

Napominjemo da je nabavna cijena prirodnog gasa promjenjiva kategorija obzirom da se utvrđuje kvartalno kao i da njena protuvrijednost u KM ovisi o kursu USD prema KM.

2. Troškovi transporta prirodnog gasa do Zvornika (ulaz u BiH na transportnom sistemu) čine 20,7% krajnje cijene prirodnog gasa za potrošače.

3. Troškovi Transporta kroz Republiku Srpsku čine 1,3% krajnje cijene prirodnog gasa za potrošače.



Troškovi Transporta kroz Republiku Srpsku iznose 1,2 miliona KM (za 2018.godinu)

4. Troškovi prometa BH Gasa (održavanje, administrativni troškovi i amortizacija) čine 4,5% krajnje cijene prirodnog gasa za potrošače i iznose 4 miliona KM (za 2018. godinu)

5. Ostali troškovi (provizija uvoznika gasa, špediterske usluge, bankarske provizije, banakarska garancija) čine 1% krajnje cijene prirodnog gasa za potrošače.

Napominjemo, da je pored prethodno nabrojanih elemenata potrebno dodati i troškove cijene distribucije gasa za pripadajuću kategoriju potrošača, distributivne kompanije – KJKP Sarajevogas d.o.o. Sarajevo, na što se zaračunava porez na dodatu vrijednost (PDV) i formira se fakturna, konačna cijena za potrošače prirodnog gasa.

S poštovanjem,


Nermin Džindić


Dostaviti:

- Naslovu,
- evidenciji i
- a/a